

**Siunnersuut uunga: Inatsisartut inatsisaat nr. xx xx. xxx 2021-imeersoq Nuummi Qasigiannguani Aasiannilu erngup nukinganik nukissiorfissat taakkunungalu atortussat aningaasalersorneqarnissaannut ingerlanneqarnissaannullu sinaakkusersuutit.**  
(Nunalerinermut, Imminut Pilersornermut, Nukissiutinut Avatangiisinullu Naalackersuisoq)

### **Saqqummiussissut**

(Nunalerinermut, Imminut Pilersornermut, Nukissiutinut Avatangiisinullu Naalackersuisoq)

### **Siullermeerneqarnera**

Nuummut, Qasigiannguanut Aasiannullu pilersuinissamut atatillugu erngup nukinganik nukissiorfiit aningaasalersorneqarnissaannut ingerlanneqarnissaannullu sinaakkusersuutit pillugit Inatsisartut inatsisaannut Naalackersuisut sinnerlugit matumuuna siunnersuummik saqqummiusserusuppunga.

Naalackersuisut mingutsitsinnginnerusumik nukissiuuteqarnissaq anguniagarivaat. Inatsisissatut siunnersuummi nunap nukissiuummik ataavartumik atuilernissaanut iluaqutitaqarpoq, tassani orsussanut arrortikkuminaatsunut taarsiullugu erngup nukinga atorneqassammat.

Nunatsinni ataavartumik nukissiuuteqarsinnaanermut atorluaanissamik annertusaanissamut periarfissarpassuaqarpoq. Taakku pisuussutitut atorluarneqarsinnaasut inuiaqatigiinnut aningaasaqarnikkut aammalu avatangiisitigut iluanaaruteqartussaapput.

Erngup nukinganik Nuummut pilersuinermit atatillugu Utoqqarmiut Kangerluarsunnguani erngup nukinganik nukissiorfiup allineqarnissanut nutaamik sakkortusaavittaarnissamik malitseqassasoq siunnersuutigineqarpoq, taassuma saniatigut sulluliamik maanna imeqarfiusup Utoqqarmiut Kangerluarsunnguup Tasiata aamma Isortuarsuup tasiata akornanni aamma pilersitsisoqarnissaa siunnersuutigineqarluni.

Nuummi illoqarfiup nukissiornikkut pisariaqartitaa annertusiartortoq nukissiornikkut ataqatigiissaarinnissamut aningaasaliinissaq pisariaqarpoq. Inatsimmut siunnersuut ilutigalugu Utoqqarmiut Kangerluarsunnguani nukissiorfiup erngup nukinganik pilersuinerata annertusineqarnissaa naaperiutigineqarpoq.

Qasigiannguanut, Aasiannullu erngup nukinganik pilersuinissamut nutaamik erngup nukinganik nukissiorfimmik pilersitsinissaq sanaartornikkut malitseqassasoq siunnersuutigineqarpoq, matumani kangerluup Kangersunerup qanittuani inissinneqassasoq, sulluliaq Kuussuup Tasiata aamma Qinngap Ilulialeeraata akornanni kiisalu Qasigiannguut Aasiaallu akornanni ataqatigiissitassat ilanngullugit pilersinneqassasut.

Qasigiannguanut Aasiannullu pilersuinermit erngup nukinganik nukissiorfimmik pilersitsineq uuliamik atuinerup annikillisinnaaanik ilaqarpoq, taamaasilluni CO<sub>2</sub>-mik aniatitsineq aamma annikillisinneqassalluni, matumani Kangerluarsunnguani nukissiorfiup allaneqarnissaanut erngup nukinganik nukissiorfiliornissamut suliniut sanilliunneqarlunittaaq. Ataatsimut isigalugu erngup nukinganik nukissiorfiliornissamut suliniut nukissiutinik ataavartumik atuinissamut annertusitsisinnaanissaa naliliutigineqarpoq.

Ataatsimut isigalugu suliniutit Kalaallit Nunaanni ataavartumik nukissiuutinik atuinitsinnut 70 pct.-miik 90 pct.-mut qaffariaataassapput. Tamanna nuna tamakkerlugu CO2-mik aniatitsinerup 114.000 tons miss. 2030-mi annikillisitsissaaq. Ilanngullugu erngup nukinganik suliniutit inuiaqatigiinnut aamma ingerlatsinermi aningaasaqarnikkut peqqittumik ingerlatsisoqalissaaq aamma aningaasaliinerussallutik imminut akilersinnaasut tassani inuiaqatigiinni ataatsimut 3,5 mia. koruunit sinnerlugit sipaarutaassallutik.

Erngup nukinganik nukissiorfinnik sanaartorerit inuussutissarsiornikkut sinaakkutinik pitsaasunik qulakkeerinnittuussaaq. Tassungalu atatillugu nukissiuteqarnikkut nunap iluani ataqatigiissaarinermi innuttaasunut pitsaasumik kinguneqarluassalluni, matumani kingusinnerusukkut akit apparsinnaajumaarmata.

Oqaaseqaatit taakku tunuliaqutaralugit Naalakkersuisut sinnerlugit siunnersuut Inatsisartunit suliarineqarnissaanut ingerlateqqippara.